

48

中國名山勝蹟志叢刊
沈雲龍教授主編

黃

山

紀

K928.3/40

南京
大學
出版社

中國名山勝蹟志叢刊第五輯
沈雲龍主編

黃山絕勝

徐璈著

文海出版社

有限公司

印行

中華民國七十二年八月出版

中國名山勝蹟志叢刊

第五集

精裝：十冊

定價：新台幣六千元正

主編者：沈雲龍

發行人：李振華

出版者：文海出版社有限公司
台北縣永和市興街133巷8號

郵政劃撥戶第二七八四號
電話：九二一二六五九號
三四一六九二八號

印刷者：聯和印製廠有限公司

台北市寶興街二十號
經銷者：全省各大書局

行政院新聞局出版事業登記證局版台業字第〇四四九號

黃山紀勝

蘭山紀勝

卷之四

黃山紀勝卷一

昭辰卧遊

桐城徐璈輯次

黃山在歙縣北百二十里

羅願新安志黃山舊名黟山漢末陳業隱此而世復傳黃帝容成子浮邱公之事其後又有仙人曹阮之屬唐天寶六年勅改今名黃山圖經黟山雲凝碧漢氣冠羣山靈泉香美神僊止焉黃帝昔與容成浮邱同遊於此鍊丹上昇故曰黃山余按史記云華山太室首山泰山東萊此五山黃帝之所嘗遊與神會雖上稽皇古言由方士未聞南及黟山也黃山辨山產黃蘗鄉俗稱爲黃

藥山曰黃山省詞名從主人可也新安文獻志趙汭序
曰山隤然居中以降勢委和於四表有坤道土德焉故
名之黃山余按漢地理志丹陽郡黟縣師古注黟音伊
同黟水經註浙江北歷黟山縣居山之陽故縣氏之廣
韻黟縣名屬歙州說文黟微青黑色黟黑也毛詩傳山
南曰陽今黟縣猶處黃山之南寰宇記曰天寶六載勅
改歙之主簿山爲飛布山易黟而黃事同斯載矣黃山
領要錄色微青黑謂之黟色黑而澤之謂黟山膚剝盡
而骨理蒼潤空青所凝遙望成黛以黟名山允爲不易
自唐爲道家之說僞誤周書異記引黃帝改稱黃山後

遂囚之也山之東有黃蘗山江淹集遊黃蘗山詩長望
竟何及閩雲連越邊南州饒竒怪赤縣多靈仙金峯各
虧日銅室共臨天陽岫照鸞采陰谿噴流泉殘杙千代
木唐萃萬古烟禽鳴丹壁上猿嘯青崖間詩狀竒峻殆
統概黠山矣又按江南通志池州西南亦有黃山其最
高者曰古牛岡可望匡廬是山罕所遊稱崇竒莫著不
得比並茲山也會稽志陳業上虞人漢末爲會稽太守
值世之季嘆曰世塞山通自古所誌虞夏有忽祖之時
烟霞無板蕩之日吾其隱乎乃遁跡黠山終身不出會
稽典錄朱育對濮陽興云近者太守陳業潔身清行志

懷霜雪正亮之性同操柳下遭漢中微委官棄祿遁跡
黥山以求其志高邈妙蹤天下罕聞蓋黨錮風興懷清
避地事類幼安情同孺子巖棲之士隱寄茲山業爲初
祖矣後漢地理志丹陽郡歙縣有三天子鄣山海經浙
江出三天子都一曰天子鄣按是山爲漸江之源故言
三天子都者並目黃山也新安志黥山與大鄣山皆有
三天子都及鄣山之名

新安志山高千一百八十仞圖經高千三百七十五丈黃
山志蓮花天都高九百仞翠微望僊高八百五十仞黃
汝亨記黃山舊稱高四千仞廣五百里天目之巔乃及

其趾余按山海經大華之山削成而四方其高五千仞
十道志天台山高萬八千丈郡國志天目山亦高萬八
千丈黃山之峻如志所稱比於台目才若什之一矣太
平御覽曰江南諸山之大者有天台天目而天目近連
浙江天台俯瞰滄海江海以地下爲百川所歸而歙州
則江之上游海之濫觴也今計歙之平地已合與二山
齊矣况其山又有摩天戛石之高耶蓋諸所度量非必
尋丈相引繩墨相求高下懸殊莫可依據以余足武所
陟自麓至巔層級而上無復坡坳者蓋四十里而遙吳
士奇曰從湯泉逶迤上四十里抵天海此爲紀實也陳

敬脩曰層級四十里而遙此斜線也勾股法以斜求直得三十里計高一萬四千四百丈若天台之層級上者僅二十餘里志乃云萬八千丈紀載浮夸往往有是耳又按吳船錄曰大峨山頂去峨眉縣平地不下百里若黃山天都蓮花之頂去歙縣平地殆亦六七十里矣

新安志山東南則歙西南則休寧西北則蔽於寧國之太平邑新安廣錄郡西北黃山與宣池接境巖壑峻秀仙翁釋子多隱其中寰宇記北黟山一名黃山在歙縣西北一百六十里按元和郡縣志北黟山在歙西北二百六十里二當爲一傳寫增訛量計里數與記同也一

統志黃山在府城北百二十里江南通志黃山在府西
北百三十里在太平縣南三十里當徽寧二郡界汪澤
民記山去宣治所二百四十里不當通都大邑舟車之
走集凡道塗爲里若干皆樵牧負販者隱度云然非有
堠以步而計也太平御覽黟山諸峯悉是積石有如削
成烟嵐無際雷雨在下其霞城洞室符竇瀑泉無峯不
有若林洞之下巖巒之上竒蹤異狀不可模繪信靈仙
之窟宅也李錞圖經序黃山在新安郡或謂之北黟亦
曰小華其廣則宣城池陽分壯其趾其高則廬阜天目
僅及其肩若夫削成拔地之體峻極隱天之勢岩堯崑

卷之十一
翠崎嶇峇峇層巘絕壁重岡屬嶺軒若龍翔竦若鸞跂
肅若人立伏若獸踞豁若通門挺若植柱橫亘若橋梁
曲折若屏障或崇或庳或銳或平或離或合或扶或侍
千態萬狀不可悉數固元化之妙用而神明之奧司矣
淳宋景祐時判郡事許楚圖經考山舊有圖經景祐時
李鐔鐫之元符時雁蕩周尉鐫之其後紹興丙子嘉定
戊辰及明洪武天順萬厯時繼鋟焉余按自是之後郡
人閔麟嗣與趙吉士吳綺汪楫有黃山志定本汪士鋐
吳荃吳菴有山志續集比于圖經滋爲詳備其簡而別
出者則汪洪度之黃山領要錄黃殿友之山志畧張佩

芳之歙山志汪璡之黃山導也又焦竑經籍志有黃山圖志四卷不著撰人名氏四庫存目有黃海六十卷潘之恒撰蓋未鉸本故罕副墨矣

由潛口厯容成溪而北逾山口嶺右礮中至湯口山麓

縣北三十里爲潛口又北楊千社容成溪 歙志潛溪一名阮溪經紫霞山而出萃墟余按茲鎮當潛溪之合故曰潛口北五里有黃山巡檢署椽宇簡陋門扉書闔詢之村人則寄治於潛口也道西有黃山谷口碑碣屋桷傾圯石立如故戴澳記潛口十里逕楊千寺寺臨石礪面豐山按今村南有楊千社徽歙村堡多立社宇祈

賽奔走蓋近古者成羣之義矣曹鈐記出郡之朝河門而北四十五里至容溪戴澳記容溪有橋曰容成橋橋西北麓卽容成臺趾圓如玦三面環水一脈連山土人謂容成燒丹處也謝兆申記容溪卽阮溪曹溪合焉其峯曰容成高九百仞余按山志容成溪源出容成峯溪距峯七十里今之谿旁固無峻峙之峯村氓野士或以緣溪之山爲容成峯者非也

又北爲石壁山沿社洽嶺山口嶺有觀黃亭 馮夢禎記度容成臺而下曰石壁山溪亘其中曰曹溪石壁陡削衣苔被蘚樹木葱蒨新筍怒生黃汝亨記由容溪而

前徑緣壁轉溪迴繞山水石粼粼荇帶可擘五里外傍
溪皆竹隔竹看山又十里爲洽嶺青松架壑行綠陰中
閔麟嗣曰由石壁渡溪三里爲洽舍舍戶數百依水擁
壁在洽嶺南也戴澳記風日澄爽筍輿有繹行皆緣溪
溪上皆好山山合溪迴則度嶺至山口矣山志山口嶺
之巔爲觀黃亭嶺上有菴按今嶺上菴右新構層樓棟
宇明煥遊者至茲可憩可宿菴外有亭以蔭行旅立亭
北眺則蓮花翠微互見疊出觀黃之義有同朝嶽棖楹
如故顏額弗彰矣

又北石嵯嶺折而東爲嶺中王之傑記石嵯嶺上有

亭可憩行者踰嶺脩竹萬竿林寒如束戴澳記度石嵯
見嶺下溪澣園亭則饌中也謝肇淛記饌中汪伯玉道
昆所營菟裘也汪道昆記饌中南北相距百步東西五
百步由石嵯東折曰壺嶺又東曰壺山依山闢土累石
爲畦墾田十五畝畦外有溪卽豐樂水也由飯牛蹊而
西爲桂竹潭潭之上石磴達谷口入谷爲石門入門就
巨石爲釣磯磯以東爲棧道進而石林延十五步俯臨
石磴爲欄楯遊者可班荆息也依壺山爲華陽館堂曰
韋堂易教也牆東爲圃東北隅爲樛木亭亭中視南北
山羣木千雲蔽蔭百畝編竹爲簿衆芳萃焉華陽西爲